

新刊萬病回春卷之三

忠集

太醫院醫官金谿雲林龔廷賢子才編輯

門人 醫官同邑胡廷訓

慈谿羅國望

弟醫官廷器

姪 懋官同校

金陵書坊對峯周曰校刊行

瘡疾

① 痲瘋多弦弦而數者多熱宜汗之弦而遲者多寒宜溫之弦而緊實者宜下之弦而虛細者宜補之弦而實大者宜吐之弦短者多食弦滑者多痰瘡痲遲緩者病自



愈久瘧不愈者脉必虛宜養正去邪

夫瘧者因外感風寒暑濕內傷飲食勞倦或饑飽色慾過度以致脾胃不和痰留中脘然無瘧不成瘧脾胃屬土有信來去不失其時若移時或早或晚者是邪無容地瘧將好也瘧疾來時呵次怕寒手足冷發寒戰大熱口渴頭痛腰膝骨節酸疼或先寒後熱或先熱後寒或單寒單熱或寒多熱少或熱多寒少一日一發受病淺也容易治間日發者或二日連發住一日者皆難治治宜在表無汗者散邪湯為主有汗者正氣湯為主在半表半裏者柴苓湯為主分利陰陽而未已者人參養胃湯加減後方可截之若用截藥吐出黃膠水者瘧自愈也

○正氣湯 治瘧疾初為增寒壯熱頭疼口乾有汗

柴胡 前胡 川芎 白芷 半夏 姜炒

麥門冬 去心 檳榔 草菓 去殼 青皮 去穢

茯苓 去皮 各 桂枝 甘草 各三

右剉一劑生薑二片棗一枚水煎預先熱服

瘧發寒熱作渴者宜分利陰陽也

○柴苓湯 治瘧發寒熱病在半表半裏陰陽不分

柴胡 黃芩 人參 半夏 猪苓

澤瀉 白朮 茯苓 肉桂 甘草

右剉一劑生薑二片棗一枚水煎服○無汗加麻黃○

不可一二日早截早則邪氣閉塞而成壞症又不可遲
截遲則元氣衰憊而成虛怯當在三四日乾截為好須
待熱退身涼方可飲食也切不可帶熱飲食恐不消而
成痞一名癰母痞散成鼓者有之矣
大凡癰初起者散邪正氣為先也
無汗要有汗散邪為主

○散邪湯 治癰疾初發增寒壯熱頭疼身痛無汗
川芎 白芷 麻黃 白芍 防風 去蘆
荆芥 紫蘇 羌活 甘草 三分
右剉一劑生薑三片葱白二根水煎去渣露一宿次早

有汗加桂枝○寒多加官桂○熱多加黃芩
虛人患癰者養正邪自除也
○人參養胃湯 治暴癰初起服一帖後用人參截癰飲
加減截之

人參 茯苓 去皮 陳皮 半夏 姜汁
厚朴 姜汁 蒼朮 米泔 藿香 當歸
川芎 草菓 去壳各 甘草 三分 烏梅 一箇
右剉一劑生薑三片太棗一枚水煎溫服○寒多加官
桂○熱多加柴胡○汗多去蒼朮藿香川芎加白木黃
芩○飽悶加青皮砂仁去人參○渴加麥門冬知母去
半夏○瀉加炒白朮芍藥瀉不止加肉豆蔻去厚朴草

果○嘔噦加白朮山藥炒砂仁炒米去草果厚朴蒼朮
 ○痰多加貝母竹瀝去半夏草果○內熱盛加炒黃芩
 去半夏○長夏暑熱盛加香薷扁豆去半夏藿香
 ○人參竹瀝飲 治虛瘡昏倦汗多痰盛舌大語言混雜
 不清脈虛大無力

人參 去蘆 白朮 去蘆 茯苓 去皮 當歸
 生地黃 酸棗仁 炒 麥門冬 去心 知母
 陳皮 芍藥 各一 烏梅 一箇 甘草 三分
 ○右判一劑生薑三片棗一枚水煎入竹瀝半盞薑汁少
 許同服
 風暑入陰在臟者瘡也

○柴胡芎歸湯 治夜間陰瘡引出陽分則散後服人參
 截瘡飲止之

柴胡 桔梗 去蘆 當歸 川芎 芍藥
 人參 厚朴 姜汁 白朮 去蘆 乾葛 茯苓 去皮
 陳皮 錢各一 紅花 甘草 各三分

右判一劑生薑一片棗二枚烏梅一箇水煎食遠服
 人虛弱者截補兼用也

○人參截瘡飲 治虛人截瘡切瘡疾並可截之

人參 白朮 去蘆 茯苓 去皮 當歸
 青皮 去穢 炒 厚朴 姜汁 炒 柴胡 黃芩
 知母 去毛 各 桂枝 三分 常山 酒浸 草菓 去殼 八分

驚甲醋灸 烏梅 一箇 甘草 三分

右剉一劑生薑一片棗二枚桃腦七箇水煎露一宿臨發日五更空心温服渣待日午再煎服糖拌烏梅下藥切忌鷄魚豆腐麪食及房勞怒氣

此方俱照前人參養胃湯後開治加減法相同截瘧飲加酒少許尤妙

人壯盛者宜單截也

○不二飲 治一切新久寒熱瘧疾下劑截住神效

常山 檳榔 要一雄一雌若重 知母 貝母 各等

右剉每八錢酒一鍾煎至八分不可過熟熟則不効露

一宿臨發日五更温服勿令婦人煎藥

○常山七寶飲 治壯健人瘧疾可截之

常山 草果 去殼 檳榔 青皮 去穰 厚朴 姜汁炒

知母 蒼朮 米泔製 龍甲 一錢 烏梅 一箇 甘草 三分

右剉一劑生薑一片桃腦七箇水煎入酒少許露一宿臨發日五更温服午間渣再煎服○汗多加白朮去蒼

朮○熱多加柴胡黃芩○寒多加桂枝○口渴加麥門

冬天花粉○痰多加貝母

瘧久不止者先截而後補也

○如聖飲

人參 三錢 常山 三錢 丁香 四十箇 甘草 三分

右爲細末用好酒一鍾烏梅一箇煎熟露一宿臨發日

の飯驚甲散
治老瘰表裏俱
虛真元未獲疾
雖暫止小勞後
來芎當
驚狀青
陳半芍
姜枣梅
芩芍加

五更温服用糖拌烏梅下藥時時可食之

○雄黃截瘡丸
人言一錢 雄黃三錢 辰砂三錢 甘草二錢

芡豆粉一兩

右藥各為細末用芡豆粉打糊為丸如白豆大外用朱砂為衣臨發日五更并花水吞服二九小兒一九勿多服

瘡已後者須調養血氣也

○參歸養榮湯 治瘡疾截住後用此湯藥調養血氣

人參 當歸 茯苓 去皮 白朮 去蘆 陳皮
砂仁 厚朴 姜汁 山藥 炒 蓮肉 炒 芍藥 酒炒

熟地黄 甘草炙各等

右剉一劑大棗二枚水煎温服○虛熱虛汗加黃芪去

砂仁

腹中有塊者瘡母也 凡瘡發時切不可帶熱飲食恐不

消而成瘡塊瘡散成鼓者有之矣

○參歸驚甲飲 治老瘰腹脇有塊成瘡母

人參 五分 青皮 去穢 黃芪 蜜水 驚甲 醋炙 當歸 酒洗
茯苓 去皮 白朮 去蘆 厚朴 姜汁 香附 撫芎 各八
砂仁 山查 去子 枳實 炒 各 甘草 三分

右剉一劑生薑一片棗二枚烏梅一箇水煎食前温服

○如製丸藥加阿魏醋煑化和前藥末為用水醋少許

打糊為丸梧桐子大每服三十丸空心米湯吞下

○十將軍丸 治久瘡不瘥有瘡母者

三稜炮 莪木 生青皮 去穢 陳皮 去白 草菓 去殼

砂仁 檳榔 烏梅肉 常山酒蒸 半夏湯洗七次

右先將常山草果二味剉用好酒醋各一碗入瓦器內

先浸一宿後入八味藥同浸至晚入瓦鉢內炭火煮取

出晒乾若無日色用火焙乾為末半酒半醋打糊為丸

如梧桐子大每服三四十九丸白湯吞下日進三服忌生

冷魚腥酸鹹油膩麪食炙煇諸死毒物服至四兩至八

兩即除根凡有積聚及煙瘴濕地方更宜服之方加

蒼朮香附醋炒各一兩

一平素虛弱兼以勞後內傷挾感寒暑以致瘡疾寒熱交

作肢體倦怠乏力少氣用補中益氣湯加黃芩芍藥半

夏有汗及寒重加桂枝倍黃芪熱盛倍柴胡黃芩渴加

麥門冬天花粉

大凡久瘡多屬元氣虛寒蓋氣虛則寒血虛則熱胃虛則

惡寒脾虛則發熱陰火下流則寒熱交作或吐涎不食

戰慄泄瀉手足厥冷皆脾胃虛弱但服補中益氣湯其

諸症悉愈方見補益

大抵久瘡氣血俱虛而三日一發者用十全大補湯蓋邪

氣在陽分者淺而易治邪氣在陰分者深而難治方見

一婦人瘡後形體骨立發熱惡寒自汗盜汗胃膈痞滿日

飲米飲少許服參朮藥益脹臥床半年矣余以為陽氣虛寒用大劑補中益氣加附子一錢二劑諸症漸退飲食漸進又一二劑全愈方見補益

痢疾

痢疾多滑按之虛絕尺微無陰瀉則少血沈細者生洪弦死訣

痢疾不分赤白俱作濕熱治之明矣赤屬血白屬氣赤白相兼膿血雜痢皆因脾胃失調飲食停滯積於腸胃之間多是暑濕傷脾故作痢疾起於肚腹疼痛大便裏急後重小水短赤不長身涼脈緩者易治身熱脈弦急者難治痢疾初起一二日元氣壯實者先用玄白散虛弱

者用芍藥湯疎通積滯三四日已後元氣漸弱調和飲食加減治之如不止服參歸芍藥湯調理脾胃補益元氣又不愈方可服真人養臟湯加減治之切不可驟用粟穀等藥止塞太早恐內積氣未盡成休息痢亦恐毒攻上胃腹飽悶作疼惡心嘔噦發呃難治因毒氣攻胃故也先水瀉後膿血者是腎傳脾難愈先膿血後水瀉者是脾傳腎易愈又有痢下鮮血者如塵腐色者如屋漏水者大孔如竹筒者嘔噦發呃煩燥身熱者俱難治也如魚腦髓者身熱脈數大半生半死也大抵治痢疾一二日元氣未虛治宜疏通積滯此通因通用之法三四日後不可疏通恐元氣虛也當清熱解毒調養脾胃

為主經云行血則便膿自愈調氣則後重自除若大腸積滯壅實而後重法當疏導之若大腸氣虛下陷而後重法當升補之

初下痢者不分赤白皆濕熱也

壯盛人初痢宜利之

○玄白散 治痢疾初起裏急後重腹痛膿血窘迫壯盛人一劑尋愈

牽牛 赤痢用黑白痢用白赤白相雜黑白兼用半生半炒搗碎

赤芍 歸尾 檳榔 枳殼去穢 生地黃

莪朮煨 黃連各一錢 大黃二錢 暑月加香薷炒一錢

右剉一劑水煎空心溫服以利二三レ次為度

虛弱人初痢宜瀆之

○芍藥湯

芍藥二錢 木香一錢 當歸一錢 枳殼去穢 黃芩去朽

檳榔一錢 黃連二錢 甘草五分

右剉一劑水煎溫服

下痢稍久者宜調和也

○調和飲

白芍三錢 當歸一錢 川芎 黃連 黃芩各二錢

枳仁一錢 升麻五分

右剉一劑水煎空心服。如紅痢依本方。如白痢用

吳茱萸一錢炒 茯苓連用酒炒。赤白痢加白朮茯苓陳皮

洞芍藥湯
連芍各一錢
枳殼各八分
猪澤青
枳各七分
木五分

香附錢

痢因熱積而氣滯者宜清熱順氣也

○立効散 治赤白痢疾膿血相兼裏急後重疼痛一服立止

淨黃連 四兩酒洗吳茱萸二兩同炒去萸不用

陳枳殼 二兩去穢麥炒

右二味為細末每服三錢空心黃酒調下泄瀉米湯下

○口噤痢疾陳倉米湯送下

下痢發熱不退者腸胃中有風邪也

○倉廩散 治痢疾赤白發熱不退腸胃中有風邪熱毒

及時行瘟疫沿門闔境皆下痢噤口者服之神効

即人參敗毒散加黃連陳倉米三百粒薑棗煎服○如

痢後手足痛加檳榔木瓜○噤口痢加陳倉米一撮石蓮肉七枚

下痢發熱便閉者表裏有實熱也

○六一順氣湯 方見傷寒 治痢不問赤白相雜肚痛裏急

後重渾身發熱口乾發渴用此通利即止

下痢噤口不食者脾虛胃熱甚也

○參連湯

人參 五錢 黃連 一兩

右剉一劑水煎終日時呷之如吐再強飲但得一口呷

下咽喉即好加石蓮肉三錢尤効外以田螺搗爛合臍

中引熱下行故也

○昇嘔湯 治噤口痢疾徐元濟傳

砂仁研一錢 砂糖七錢 細茶五錢 生薑五片

右剉一劑水二鍾煎至八分露一宿次早面北溫服外
木別子二錢去殼麝香二分共搗置臍中即思食

一方 治噤口痢米穀不下者神効用石蓮肉爲末每服

二三錢用陳倉米湯調下即効如嘔加生薑二三匙

下痢久不止者宜調養氣血兼升磁也

○參歸芍藥湯 治痢久一二十日痢去多不止用此調

理氣血自愈

人參一錢 當歸酒洗二錢 茯苓 白朮一錢

砂仁七分 山藥 陳皮各一 甘草五分

右剉一劑烏梅一箇燈草一團蓮肉七箇水煎溫服照

後加減

噤口痢不食者胃口熱極故也

加炒黃連蓮肉人參炒米烏梅清熱開胃爲主

下痢腹痛裏急後重者是熱積氣滯也 又云裏急者腹

中不寬快也亦有虛坐而大便秘不行者皆血虛也血虛

則裏急後重加四物湯之類治之 加木香檳榔和消

積氣則後重自除

又痢後重不除者虛氣墜下也 治痢用下藥揆積仍後

重者乃陽不升也用升麻爲君

加人參當歸芍藥爲君升麻少許提氣

振

大凡痢作痛者熱流下也

加炒黃芩為藥清之

痢後發熱不止或積少但虛坐努力者俱是血虛故也

倍加當歸為藥地黃滋養陰血其熱自安

積中有紫血者是瘀血也

加芍藥紅花生血和血則便血自愈

痢下如菜豆汁者是濕也

加炒蒼朮白朮滲濕利小便

○實腸散 治久痢去多不分赤白用此末藥換出黃糞

來

乾山藥炒黃色 好蓮肉炒去心 炒黃米一合

右共為細末用砂糖調熱湯和勻前末藥不乾不稀漸

漸調服後用清米湯漱口常服之最效

○湯泡飲 治久不愈無分赤白俱可服

粟穀蜜水炒 烏梅一箇 甘草二分 蜜三匙

右剉碎用滾水湯一鍾泡浸一時去渣三次服之

○真人養臟湯 治大人小兒冷熱不調下痢赤白或如

膿血魚腦裏急後重臍腹疼痛或脫肛下墜酒毒便血

竝皆治之

肉桂五分 人參去蘆 當歸 訶子煨去核 木香

甘草炙 肉豆蔻煨 芍藥炒 白朮各一錢

粟穀蜜炙

右坐一劑水煎食前溫服○臟寒者加附子一錢製
 一痢疾日久不愈不能起床不思飲食瘦弱之甚者用補
 中益氣湯去柴胡加炒芍藥澤瀉木香砂仁白蔻地榆
 米穀醋炒
 大抵久痢不止多屬氣血虛弱宜用八珍湯若脾氣虛而
 血弱者用四君子湯若胃氣虛而血弱者用補中益氣
 湯大凡此症久而不愈或變症百出但守前法久之自
 愈
 一血痢及下血久不止用六味丸加地榆阿膠黃連黃芩
 生地黄以上四方俱是補益

補遺方

○狗皮膏 貼瀉痢如神

乳香 五錢 沒藥 五錢

桃枝 四十九節 二指長

木別子 十箇 杏仁 四十箇
 柳枝 四十九節 如筋大

右用香油七兩將木別子以下四味入油燂浮撈起渣
 後下好黃丹飛過三兩熬將成膏用槐枝不住手攪滴
 承成珠退火再入乳香沒藥加麝香一分攪勻退火毒
 以狗皮攤膏貼臍上

○瀉痢膏

赤石脂 四兩 訶子 四兩 嬰粟殼 四兩 乾薑 五錢

以上熬真蘇油二斤四兩熬去四兩止吊二斤再熬滾
 入上好水飛黃丹一斤熬黑色滴水成珠方入後四味

藥 龍骨 二兩 乳香 五錢 沒藥 五錢 麝香 一錢

俱為細末入內攪勻退火出火毒攤貼臍上每一箇重二錢冬月可加肉蔻 五錢

○秘方 治痢久不愈者用白蘿蔔取汁一鍾蜜一鍾共煎滾調勻溫服立止○又方用陰乾陳久蘿蔔英煎湯服之止痢如神○又方用大團魚一箇水煮去腸甲加生薑七片砂糖一小塊不用鹽醬少入米粉作羹吃一二碗其痢立止

大司寇春岡劉公年近稀古患痢膿血腹痛諸醫弗効予診六脉微數此肥甘太過內有積熱當服酒蒸大黃一兩清利之公曰吾衰老恐不勝惟滋補平和之劑可也

余再內寬釋公意始從遂服之逾日而愈

通府竹峯何公患痢赤白晝夜無度遍身癢痒心中煩燥予診六脉大數人迎偏盛此風邪熱毒也以人參敗毒散加防風荆芥黃連去入參二服即愈又診六脉仍前大數予曰數則煩心大則病進將來必有痰喘之患不起後逾月果如其言

一人痢後兩足浮腫胃膈脹滿小便短少用分利之劑遍身腫兼氣喘余曰兩足浮腫脾氣下陷也胃膈脹滿脾虛作痞也小便短少肺不能生腎也身腫氣喘脾不能生肺也用補中益氣加附子而愈半載後因飲食勞倦兩目浮腫小便短少仍服前藥頓愈方見補益

泄瀉

○**脈瀉**自沈沈遲寒侵沈數火熱沈虛滑脫暑濕緩弱多在夏月

泄瀉之症只因脾胃虛弱饑寒飲食過度或為風寒暑濕所傷皆令泄瀉治須分利小便健脾燥濕為主若瀉久多而不止者當用補住為要若瀉不止手足寒脈虛脫煩燥發呃氣短目直視昏冒不識人者皆死症也若泄瀉初起不可就用補塞恐積氣未盡而成腹疼饑悶惡心煩燥發呃而死直待瀉去四五次方可補住此大法也

泄瀉清濁不分者濕多成五瀉也

○胃苓湯

治脾胃不和腹痛泄瀉水穀不化陰陽不分

蒼木米泔製厚朴姜汁炒陳皮 猪苓 澤瀉

白木去蘆茯苓去皮白芍煨各一錢肉桂 甘草炙各二分

右剉一劑生薑棗子煎空心溫服○水瀉加滑石○暴痢赤白相雜腹痛裏急後重去桂加木香檳榔黃連水煎服○久瀉加升麻○勝濕加防風升麻○食積加神

麩麥芽山查○氣虛加參朮

寒泄者悠悠腹痛瀉無休止色青脈沈遲是也

○理中湯 治寒瀉症

人參 白朮去蘆乾薑炒各一錢官桂 甘草炙各五分

陳皮 藿香 茯苓去皮良薑各七分烏梅一箇

右剉一劑生薑三片棗二枚燈草一團水煎溫服○寒
 極手足冷爪沈細加附子去良薑官桂○腹痛加砂仁
 厚朴木香去人參○嘔噦惡心加丁香半夏去良薑官
 桂○瀉不止加蒼朮山藥○瀉多不止加肉蔻訶子附
 子去良薑官桂○虛汗加黃芪去藿香官桂○飽悶加
 厚朴砂仁去人參良薑官桂

火瀉者腹中痛一陣瀉一陣後去如湯後重如滯瀉下赤
 色小水短赤煩渴脈數是也即火瀉也

○四苓散 治火瀉熱瀉

- 茯苓 白朮 猪苓 澤瀉 蒼朮 炒
- 山藥 芍藥 炒 山梔 炒 陳皮 各一錢 甘草 五分

烏梅 一箇

右剉一劑燈草一團水煎溫服○飽悶加厚朴砂仁去
 山藥○腹痛加厚朴砂仁木香茴香去白朮○嘔噦惡
 心加藿香烏梅蓮肉砂仁人參○小水短赤加木通車
 前去澤瀉○口燥煩渴加黃連麥冬蓮肉烏梅乾葛去
 澤瀉蒼朮○瀉多元氣虛脫昏倦加人參黃芪去澤瀉
 蒼朮○夏月暑瀉加香薷扁豆○瀉多煩燥加炒黃連
 人參辰砂烏梅去蒼朮澤瀉○瀉多不止加肉蔻烏梅
 人參去澤瀉山梔○發熱脈數加柴胡炒黃芪烏梅
 暑瀉者夏月暴瀉ホウシホ水ホクキ面垢脈虛煩渴自汗是也
 ○香薷飲 方見中暑

依本方加入參白朮茯苓白芍陳皮甘草炒米一撮烏梅燈心一團煎服

濕瀉者瀉水多而腹不痛腹響雷鳴脉細是也

○五苓散 治濕瀉症

茯苓 去皮 白朮 去蘆 猪苓 澤瀉 山藥

陳皮 蒼朮 製 砂仁 炒 肉蔻 麩包煨

訶子 煨 去核 各八分 官桂 甘草 各五分

右剉一劑薑一片烏梅一箇燈草一團水煎溫服照前

理中湯加減同前

風瀉者瀉而便帶清血脉浮弦是也

○胃風湯 治風冷乘虛客於腸胃水穀不化泄瀉注下

腹脇虛滿腸鳴疼痛及腸胃濕毒下如豆汁或下痰血並治有勁

當歸 川芎 白芍 炒 人參 白朮 去蘆

茯苓 去皮 肉桂 各等分

右剉一劑入粟米一撮同煎溫服

食積瀉者腹痛甚而瀉瀉後痛減脈弦是也

○香砂平胃散

依本方去枳殼加白朮茯苓

痰瀉者或多或少或瀉或不瀉脉沉滑是也

○二陳湯 治痰瀉症

陳皮 半夏 姜汁 炒 茯苓 去皮 白朮 去蘆 蒼朮 製 米泔

砂仁

山藥炒

車前

木通

厚朴姜汁炒

甘草各等分

右判一劑生薑三片烏梅一箇燈草一團水煎温服○

瀉不止加肉蔻訶子去厚朴○照香砂六君子湯加減

相同○灸滑泄不止百會一穴天樞二穴中脘一穴氣

海一穴

虛瀉者飲食入胃即瀉水穀不化脉微弱是也

○參苓白朮散 治氣虛泄瀉

人參

白朮去蘆

茯苓去皮

山藥炒

砂仁炒

藿香

陳皮

乾薑炒

蓮肉去皮心

訶子煨

肉蔻煨去油

甘草炙各等分

右判一劑生薑一片燈草一團水煎服○嘔噦惡心加

半夏烏梅元氣虛脫昏倦加黃芪升麻少許去砂仁藿

香○飽悶加厚朴去肉蔻柯子○小水短瀉加木通車

前去乾薑○瀉甚不止加炒蒼朮烏梅熟附子少許

脾瀉者食後到飽瀉去即寬脉細是也

○香砂六君子湯 治脾瀉症

香附炒

砂仁

厚朴姜汁炒

陳皮

人參

白朮去蘆

芍藥炒

蒼朮炒

山藥炒

甘草各等分

右判一劑薑一片烏梅一箇水煎温服○腹痛加木香

茴香去人參山藥○渴加乾薑烏梅○小水赤短加木

通車前○嘔噦惡心加藿香烏梅半夏○夏月加炒黃

連白扁豆 ○冬月加煨乾薑去芍藥

滑瀉者日夜無度腸胃虛寒不禁脉沈細是也 即瀉瀉也

八桂散 治腸胃虛寒滑泄不禁

人參 去蘆 白朮 去蘆 肉蔻 煨 乾薑 炒 柯子 煨

附子 麵裹煨 去皮臍 栗穀 蜜炒 甘草 炙各等分

右剉一劑薑一片烏梅一箇燈草一團水煎溫服○照

前理中湯加減相同

○溫脾散 治久瀉米穀不化水穀入口即時直下元

虛冷滑脫

黃芪 蜜炒 人參 去蘆 白朮 土炒 白茯苓 去皮 山藥 炒

乾薑 炒 柯子 煨 去核 肉蔻 煨 去油 米穀 蜜炒 草菓 皮去

丁香 肉桂 大附子 製 黃連 炒 姜汁 砂仁

陳皮 厚朴 炒 姜汁 甘草 炙各等分

右剉一劑薑棗煎空心服

○八仙糕 治脾胃虛損泄瀉不止理脾胃消飲食最益

老人小兒

枳實 炒 去穢 麩 白朮 炒 陳壁土 炒 白茯苓 去皮 陳皮 炒 二兩

乾山藥 四兩 蓮肉 去心皮 二兩 山查肉 去核 三兩

揀參 仁 一兩 氣盛者 砂

右為末用白粳米五升糯米一升半打粉用蜜三斤入

藥末和勻如做糕法先就籠中畫小塊蒸熟取出火烘

乾瓦罐收貯封固取三五片食之以白湯軟口

一因內傷勞倦飲食化遲作瀉及脾胃素蘊濕熱但遇飲

食勞倦即發而肢體酸軟沈困泄瀉者用補中益氣湯

去當歸加炒芍藥蒼朮猪苓澤瀉薑棗煎服方見補

凡泄瀉病誤服參芪等甘溫之藥能生濕熱故返助病邪

久則濕熱甚而為疽矣惟用苦寒瀉濕熱苦溫除濕寒

則愈泄止後脾胃虛弱方可用參芪等藥以補之濕熱

茵陳五苓散方見中暑

一腎虛久瀉不止用六味丸加五味子破故紙肉豆蔻吳

茱萸

若久瀉脾胃虛寒不禁者用六君子湯加炮乾姜肉桂方見補益

若命門火衰而脾土虛寒者用八味丸方見補益

若脾腎氣血俱虛者用十全大補湯送四神丸

若大便滑利小便閉澀或肢體漸腫喘嗽唾痰為脾胃氣

血俱虛用十全大補湯送四神丸

若大便滑利小便閉澀或肢體漸腫喘嗽唾痰為脾胃虧

損用金匱加菟腎氣丸方見補益

大抵久瀉多由泛用消食利水之劑損其真陰元氣不能

自持遂成久泄若非補中益氣湯四神丸滋其本源後

必胃痞腹脹小便淋瀝多致不起

○四神丸 治脾胃虛弱大便不實飲食不思或泄痢腹

痛等症兼治腎泄清晨澹泄一二次經年弗止者

破故紙四兩酒浸炒 吳茱萸一兩炮 肉豆蔻二兩麵裹煨

五味子二兩

右爲末用生薑八兩切片同棗一百枚煮爛去薑取棗肉爲丸如梧子大每服一錢半淡鹽湯送下一方去其
茱萸五味加木香小茴炒各一兩

○治泄瀉三五年不愈者惟灸百會穴五七壯即愈
補遺方

○治水瀉痢疾神方

石蓮肉二錢爲末細茶五錢生薑三錢二味煎湯調服

又方 治瀉痢

蓮肉二兩爲末五更空心無根水調服忌半日勿飲
食仍忌暈腥生冷下七

○除濕健脾湯

久瀉色蒼而齒踈倦怠食減下墜

白朮去蘆炒蒼朮米泔浸白茯苓去皮白芍酒炒

當歸八分厚朴去皮姜陳皮八分猪苓

澤瀉各七柴胡各五升麻各五防風去蘆

甘草炙四久瀉加南星麩包煨

右判一劑生薑三片棗一枚水煎早晚熱服

○參朮健脾丸

滋養元氣補理脾胃益腎水溫下元進

飲食調中下氣臍腹冷痛泄瀉年久不止此藥溫補脾

腎除寒濕大補諸虛

蒼朮八兩二兩鹽水浸二兩米泔人參


白朮去蘆白茯苓去皮乾山藥炒破故紙酒炒

枸杞子去梗 兔絲子酒製 蓮肉去心各二兩 川練子取肉

五味子 川牛膝去蘆各一兩半 川椒去目炒

小茴鹽炒 陳皮 木香不見火 遠志去心五錢

右為末酒糊為丸如梧子大每服八十九空心鹽湯送下以乾物壓之



霍亂吐瀉滑而不勻或微而瀉代伏驚入熱多洪滑弦滑食論

夫霍亂者有濕霍亂有乾霍亂皆是內傷飲食生冷外感風寒暑濕而成濕霍亂忽時心腹疼痛或上吐或下瀉或吐瀉齊作攪亂不安四肢厥冷六脉沈欲絕此名濕

霍亂俗云虎狼病因風則怕風有汗因寒則怕寒無汗因暑則熱煩燥悶因濕則身體重著因食則胃腹飽悶治用正氣散加減若吐瀉煩渴燥不止厥冷痛甚轉筋入腹者死夏月因伏暑熱伏暑霍亂吐瀉者甚多手足須微冷脉雖虛小切不可用薑附熱藥治在暑症香薷飲內治之

有乾霍亂者最難治死在須臾俗云攪腸沙忽然心腹絞痛手足厥冷脉沈細或沈伏欲吐不得吐欲瀉不得瀉陰陽乖隔升降不通急用鹽湯探吐反刺委中穴出血治用理中湯加減慎勿用米湯補住邪氣難治直待吐瀉後方可用清米湯補接元氣若吐瀉不出胃腹脹硬

面唇青手足冷過肘膝六脈伏絕氣喘急舌短囊縮者死症也

濕霍亂者吐瀉腹痛脈沈伏欲絕也

○藿香正氣散 治四時不正之氣寒疫時氣山嵐瘴氣兩濕蒸氣或中寒腹痛吐利中暑冒風吐瀉中濕身重泄瀉或不服水土脾胃不和飲食停滯復感外寒頭疼增寒或嘔逆惡心胃膈痞悶或發熱無汗者並治

- 藿香 二錢
- 紫蘇
- 陳皮
- 厚朴 姜汁炒 半夏 姜汁炒
- 白朮 去蘆 茯苓 去皮 桔梗
- 大腹皮
- 白芷
- 甘草 炙各一錢

右剉一劑生薑棗煎溫服。霍亂轉筋加木瓜。腹痛

加炒芍藥寒痛加官桂冷甚加乾薑。飲食不化心下痞悶加香附砂仁米穀不化加神麩麥芽。肉食不化加山楂。心下痞加枳實青皮。中暑冒風加香薷扁豆。時氣增寒壯熱加柴胡乾葛。發熱加麥門冬淡竹葉。口渴作泄小便不利合五苓散。濕熱相搏霍亂轉筋煩渴悶亂合黃連香薷散心腹絞痛加水香。若煩欲登圜不通利者加枳殼

夏月暑熱霍亂者吐瀉煩渴自汗脈浮也

○香薷飲方見暑症

夏月暑熱明知多食生冷瓜果麵食却於風涼處坐臥以致飲食停滯胃腹飽脹作痛或吐或瀉手足冷脈沈

細或伏暑是濕霍亂用前正氣散內加減治之不可作
夏月伏暑霍亂吐瀉腹痛口渴煩燥自汗面垢脉虛燥
亂不寧者此是伏暑霍亂也香薷飲加減治之
乾霍亂者心腹飽脹絞痛不吐不瀉脉沈欲絕也先用鹽湯探吐

急用此方

○理中湯治乾霍亂心腹飽脹絞痛不吐不瀉脉沈欲絕

藿香 蒼木米泔製 厚朴姜汁炒 砂仁 香附

木香 枳殼去穢炒 陳皮錢各一 甘草炙 乾薑

官桂各五分

右剉一劑生薑三片水煎磨木香調服。夏月乾霍亂
不吐瀉胃腹絞痛煩渴自汗不可用薑桂。心腹絞痛

面唇青手足冷脉伏欲絕加附子茴香去蒼木。心腹
飽悶硬痛結實者加檳榔枳實山查瓜蒌蘿蔔子去其
草枳殼蒼木。胃寒嘔噦發呃加丁香茴香附良薑
去官桂甘草蒼木。虛汗加附子去藿香蒼木外用炒
生薑渣揉法急用鹽湯吐得物出為好及刺委中穴血
出甚妙

霍亂吐瀉止後發熱頭疼身痛口乾脉數者

○參胡三白湯

人參五分 柴胡 白朮去蘆 白茯苓去皮

白芍炒 當歸 陳皮 麥門冬去心

五味子十粒 山梔子 甘草各八分 烏梅一箇

右剉一劑棗一枚燈草一團水煎溫服
有異鄉人初到地方不服水土或吐或瀉胃腹飽悶或腫
脹不吐瀉者宜

○加減正氣散

藿香

蒼朮

米泔浸炒

厚朴

姜汁炒

陳皮

砂仁

香附

半夏

姜汁炒

甘草

各等分

右剉一劑薑三片棗一枚燈心一團水煎溫服。瀉加
白朮炒山藥烏梅炒米。嘔吐同上。腹痛加木香茵
香。飽悶加益智仁大腹皮。發腫氣喘加蘇子桑白
皮木通猪苓大腹皮木香去甘草。小水短赤加木通
猪苓山梔車前去半夏甘草。胃腹脹飽或四肢浮腫

如不吐瀉者加羅蔔子枳殼大腹皮木通去半夏甘草
○內熱煩渴加乾葛黃連山梔烏梅去半夏甘草。內
寒手足冷脉沈細加乾薑官桂

補遺方

○治霍亂吐瀉

用菽豆粉和白砂糖少許飲之即愈

○乾霍亂不得吐者

用淡湯下碗入皂角末三分鹽一撮調服探吐之慎勿
與米湯吃反助邪氣

○治霍亂吐瀉

乾薑

胡椒

胡黃連

各二分

菽豆粉

五分

右爲末每三分沸湯點服

○陰陽湯 用井水和百沸湯各半碗同服神效

○洗法 治霍亂轉筋麥一把去兩頭水煎薰洗

○灸法 治霍亂已死腹中有煖氣者鹽納臍中灸七

壯

嘔吐

肺嘔吐無他寸緊滑數微數血虛單浮胃薄孔則有痰最

忌瀆弱

嘔吐者有聲有物胃氣有所傷也

○保中湯 治嘔吐不止飲食不下

藿香梗

白朮

各一錢

陳皮

半夏 姜製

白茯苓 去皮各八分

黃連 土炒

黃芩 土炒

梔子 姜汁炒 各一錢

砂仁 三分

甘草 二分

右剉一劑生薑三片長流水和嬌泥澄清一鐘煎至一

鐘稍冷頓服

嘔藏清水冷涎 吐涎遲者是寒吐也

○理中湯 治胃寒嘔吐清水冷涎

人參

茯苓 去皮

白朮 去蘆

乾薑 炒

陳皮

藿香

丁香

半夏 姜汁炒

砂仁 炒

官桂 各等分

右剉一劑生薑三片烏梅一箇水煎徐徐溫服。寒極

手足冷 吐微吐不出者加附子去官桂。煩燥加辰砂

炒米

煩渴脉數嘔噦者是熱吐也

○黃連竹茹湯 治胃熱煩渴嘔吐

黃連姜汁炒 山梔炒黑 竹茹各一錢 人參五分 白朮去蘆

茯苓去皮 陳皮 白芍炒 麥門冬去心

甘草三分 炒米一撮 發熱加柴胡

右剉一劑烏梅一箇棗二枚水煎徐徐溫服

嘔噦痰涎者是痰火也

○二陳湯 治痰火嘔吐

陳皮 半夏姜炒 茯苓去皮 甘草 加入參

白朮 竹茹 砂仁 山梔炒

麥門冬去心各等分 烏梅一箇

右剉一劑薑三片棗一枚水煎不拘時徐徐溫服

水寒停胃嘔吐者宜燥濕也

○茯苓半夏湯 治水寒停胃嘔吐

茯苓去皮 半夏姜汁炒 陳皮 蒼朮米泔浸炒

厚朴姜汁炒 砂仁五分 藿香八分 乾薑炒三分

烏梅一箇 甘草三分

右剉一劑水一鍾生薑三片煎至六分不拘時徐徐溫服

飽悶作酸嘔吐者是停食吐也

○香砂平胃散 治傷食嘔吐方見傷食

久病嘔吐者胃虛不納穀也

○六君子湯 治久病胃虛嘔吐

人參去蘆白朮去蘆茯苓去皮白芍炒

山藥炒

當歸錢各一 藿香

砂仁各五分 蓮肉

烏梅一箇

半夏炒 陳皮各八分 甘草三分 炒米百粒

右判一劑生薑三片棗一枚水煎徐徐溫服

惡心者心中兀兀然無奈欲吐不吐欲嘔不嘔此為惡心

非心經病病在胃口有寒有熱有痰火有胃虛有停食

有水飲與嘔吐同治法

梁太府乃愛患頭暈嘔吐聞藥即嘔諸醫措手余以伏龍

肝為末水丸塞兩鼻孔用保中湯以長流水入膠泥攪

澄煎積冷頻服之而安

信陵府桂臺殿下夫人患因性氣不好一怒即便嘔吐

膈不利煩燥不睡腹痛便閉食下即吐已經八日心慌

喘急垂危後事已備舉家哭泣召余診六脈虛微此血

虛胃弱氣鬱痰火也以一陳湯加薑連酒炒梔當歸

酒芍香附竹茹白朮入竹瀝薑汁一服而安

翻胃

反胃噎膈寸脈大瀉緊乳或弦虛寒之厄關沈有痰浮

瀉脾積浮弱氣虛瀉小血弱若瀉而沈七情所搏

夫膈噎翻胃之症皆由七情太過而動五臟之火薰蒸津

液而痰益盛脾胃漸衰飲食不得流行為膈為噎為翻

胃也丹溪云年高者不治蓋年少之人氣血未虛用藥

却去痰雖得暫愈其病立復所以然者氣虛則不能運

化而生痰血虛則不能滋潤而生火也又云此症切不可用香燥之藥香燥之藥而厚滋味蓋症屬熱燥故不可用香燥之藥香能散氣燥能耗血厚滋味能助火而生痰也粗工不識病源但見斯疾便以峻劑投之而取刻効以圖厚賄不思病危復而不救可不嘆哉

夫凡膈噎翻胃不可服辛熱香燥最能耗血糞如羊屎者不治大腸無血故也口吐白沫者不治氣血俱備故也

翻胃者胃虛吐食而不納也

福寬中散
青陳丁各四分
厚朴二兩
砂朮木各三兩
身高
石生薑五片
鹽一捻煎

○安胃湯

人參 五分 白朮 去蘆 茯苓 去皮 山藥 炒 當歸
陳皮 半夏 姜汁 藿香 各一錢 砂仁 五分 黃連 姜汁炒

蓮肉 各八分 甘草 三分

右剉一劑生薑三片棗一枚烏梅一箇水煎溫服

○順氣和中湯

治嘔吐翻胃嘈雜吞酸痞悶噫氣噎膈

心腹刺痛惡心吐痰水

陳皮 鹽水浸 半夏 姜汁炒 白茯苓 去皮 白朮 去蘆土 炒八分
枳實 炒 香附 醋浸炒 砂仁 炒 三
黃連 六分 姜汁和 山梔 姜汁炒 神麩 炒 六
甘草 炙 三

右剉一劑生薑三片長流水入嬌泥攪澄清水一鍾煎至七分入竹瀝童便薑汁不拘時細細溫服。如氣虛加黃芪人參各八分。如血虛加當歸七分川芎五分

○如氣惱或氣不舒暢加烏藥五分木香三分。如胃
 膈飽悶加蘿蔔子炒六分。如心下嘈雜醋心加吳茱
 萸四分倍黃連白朮。如嘔吐不止加藿香梗七分。
 ○太倉丸 治噎膈翻胃脾胃虛弱不思飲食。
 白豆蔻二兩 砂仁二兩 陳倉米一升升黃
 右為細末薑汁為丸如梧桐子大每服百丸淡薑湯送
 下。

氣血虛而翻胃者宜攻補兼濟也。

○王道無憂散 治翻胃膈噎。

- 當歸 白芍 煨 川芎 生地黃各八
- 赤芍 五分 白朮 土炒 白茯苓 去皮各一
- 赤茯苓 錢二分

砂仁 枳實 煨炒 香附 烏藥 陳皮
 半夏 姜汁 藿香 檳榔 猪苓 木通
 天門冬 去心 麥門冬 去心 黃栢 炒 人乳 知母 炒 人乳 黃芩 炒 各
 粉草 三分
 右判一劑水煎溫服。
 年老之人陰血枯槁痰火氣結升而不降飲食不下者乃
 成膈噎之病也。

○當歸養血湯

- 當歸 白芍 煨 熟地黃 茯苓 去皮各
- 貝母 去心 瓜蒌 去殼 枳實 煨炒 陳皮
- 厚朴 姜汁 香附 撫芎 蘇子 炒 各

沈香 五分

黃連用吳茱萸同炒去
萸不用用連八分

右判一劑薑一片棗二枚水煎竹瀝磨沈香調服
年少之人有患膈噎者胃腕血燥不潤便閉塞而食不下
也

○生津補血湯 治年少胃腕血燥故塞

當歸 白芍炒 熟地黃 生地黃

茯苓去皮各一錢 枳實炒 陳皮 黃連炒

蘇子 貝母去心各七分 砂仁 沈香各五分

右判一劑薑一片棗一枚水煎竹瀝磨沈香同服
翻胃因氣惱者宜順氣化痰清火也

○四子調中湯 治翻胃或小便赤大便閉及痰氣壅盛者

青皮五分去穢 陳皮 五分 沃實炒一錢 香附炒一錢

黃連姜汁炒七分 半夏姜汁炒二錢 瓜蒌仁炒一錢 蘇子炒

白芥子炒 桃仁去皮尖各一錢半 茯苓去皮

木通各一錢 沈香 芒硝各五分

右判一劑生薑五片水煎稍熱服

○五子散 治氣膈鼓脹噎食

白蘿蔔子 紫蘇子 白芥子各五錢 山查子去核

香附子去毛各二錢

右各為末合一匙作芥末用

秘方神妙不測者有起死回生之功也

○奪命丹

裘一箇 麝香一分 孩兒茶二分 金絲黃礬二分

朱砂春二分夏四分秋六分冬八分

裘乃土糖裘即蟻螂所滾之彈丸糞土之下皆有用彈中有白蟲者如指大如蟻蟪一樣將彈少破一點蓋住火煨過大黃色存性不要燒焦了入煎藥內并彈共為采燒酒調空心服如覺饑用大小米煮粥漸漸少進一日二三次不可多吃一日徐徐進一碗半足矣慎不可多用多用則病復不可治矣忌生冷醬炒厚味葱蒜酒麵炙燻等食及氣惱五十以後一二服即效

○二豆回生丹 治翻胃噎食

礪砂二錢 雄黃二錢 乳香一錢 朱砂二錢 黑豆九粒

菘豆四十粒 百草霜五錢微火炒過用

共為細末用烏梅三十箇取肉和丸如指頂大朱砂為衣每喻化一九良又將麵餅一箇茶泡爛與食之不吐乃藥之効若吐再喻化一九忌油膩鹽醋怒氣

神灸翻胃法

以男左女右手拿棍一條伸手主棍在地與肩一般高肩上有窩名肩井穴灸三炷即効

灸法 治翻胃神効

膏肓二穴 含病人兩手交在兩臍上則臍骨開以手摸臍第四椎骨下兩旁各開三寸四指三間之中按之酸痛是穴灸時手搭兩臍上不可放下灸至百壯為佳

臍中一穴 在臍部中行兩乳中間

三里二穴在膝下三寸筋外廉兩筋間灸七壯

收功保後者宜調養氣血也

○養血助胃丸 治嘔吐翻胃愈後用此養元氣健脾胃

生血氣調榮衛清鬱氣收功保後

當歸酒洗 川芎一兩 白芍鹽酒炒一兩二錢

熟地黃姜汁浸炒八錢 人參去蘆五錢 扁豆姜汁炒六錢

白朮去蘆土炒一兩三錢 白茯苓去皮六錢 山藥炒一兩

蓮肉去皮心 甘草炙三錢

右為末薑汁打神麩糊為丸如梧桐子大每服六七十丸空心白滾水下

補遺秘方

○七傷通氣散 治十膈五噎腹內久積氣塊傷力嘔吐

膨脹此方諸病皆治

牙皂二兩 大黃二兩麵包燒熟研砂二錢 巴豆六錢去油二錢

當歸二錢半

右為末每服一分或二分量人大小虛實加減用之引用好酒一口調服不飲酒者滾白水亦可引不許多引多動一二行此藥服之不吐則瀉不瀉則吐兼治小兒驚風痰響上官天吊吐痰即愈又治中風不語

○劉海田治翻胃方

用馬蛇兒即野地蝎虎 用公鷄一雙 龍住餓一日 尺與

永吃換淨腸肚却馬蛇兒切爛與鷄食之取糞焙乾為

末每服一錢燒酒送下

○治噎食効

用醋鵝晒乾每服一錢為末入酒空心下即愈永不發

○治噎食

用活蝎虎一箇入燒酒內浸七日將酒頓熟去蝎虎只飲酒即愈治蠱亦同

○治噎食病并回食病

用初出窰石灰礦投入鍋中滾水內化開去渣止用清水煮乾炒黃色為度黃色難得牙色即可用罐收貯黃蠟封口勿令泄氣過一二年的無用凡人四十內外身

體壯健者用四分如年老體弱者止用二分或二分半三分為止以好燒酒一二鍾能飲者三內鍾調服此方專治回食病哽咽年深或吐出蟲或下蟲其疾即愈如不吐不下遇發再服一次不發不必服自然痊愈

○治噎食方

皮硝三錢

孩兒茶一錢

麝香半分

右為細末作三服黃酒送下求除根不發

○治噎膈方

新石灰三錢

大黃一錢

黃酒一鍾煎去渣服酒

○八仙膏 專治噎食

生藕汁

生薑汁

梨汁

蘿蔔汁

甘蔗汁

白果汁

竹瀝

蜂蜜

右各一盞和一匙盛飯齏蒸熟任意食之

呃逆

脉呃逆甚危浮緩乃宜弦急必死結代促微

發呃者氣逆上衝而作聲也一名欬逆若胃火上衝而

逆隨口應起於上膈病者知之易治也自臍下上衝直

出於口者陰火上衝難治俗名爲之打呃是也

胃口虛寒手足冷脉沈細是寒呃也

○丁香柿蒂湯

丁香

柿蒂

良薑

官桂

半夏

姜汁

陳皮

木香

沈香

茴香

藿香

甘草

厚朴

姜汁

砂仁

各等分

甘草

裁半

乳香

爲末

右剉一劑薑三片水煎磨沈木香調乳香末同服○寒

極手足冷脉沈細加附子乾薑去良薑官桂

發熱煩渴脉數者是熱呃也

○小柴胡湯

治身熱煩渴發呃

柴胡

黃芩

山梔

柿蒂

陳皮

砂仁

半夏

姜汁

竹茹

各一錢

藿香

八分

沈香

木香

各三分

茴香

五分

甘草

三分

右剉一劑薑一片烏梅一箇水煎磨沈木香溫服

一切發呃用柿蒂沈香水香乳香砂仁爲細末每服一錢

淡薑湯調服最効如口燥渴身熱不可服

胃中痰火發呃者

○黃連竹茹湯 治胃中痰火發呃

黃連 竹茹 麥門冬 去心 山桅

陳皮 半夏姜炒各一錢 砂仁 沉香

木香 茴香各五分 蘇子八分 甘草二分

右剉一劑薑一片烏梅一箇水煎磨沈木香調服

水寒停胃發呃者

○茯苓半夏湯 治水寒停胃發呃

茯苓 半夏姜汁炒 厚朴姜汁炒各一錢 乾薑炒 丁香

官桂 砂仁各五分 陳皮一錢 藿香八分 柿蒂一錢

茴香七分 沉香 木香 甘草各三分

右剉一劑薑三片水煎磨沈木香同服

臍下氣上升發呃者陰火也

○滋陰降火湯 治陰火上升發呃方見虛症

依本方加砂仁茴香沉香木香山桅柿蒂辰砂

中氣不足眩暈微氣不相續而發呃者

○補中益氣湯加生脉散黃栢以降陰火或少加附子方見內傷

內傷

陽明內實失下而發呃者

○六一順氣湯下之方見傷寒

傷寒傳經熱症醫者誤用薑桂等熱藥助起火邪痰火相

搏而為欬逆者

○黃連解毒白虎湯及竹瀝之類治之方見傷寒

凡瀉痢發呃與傷寒結胃發黃又發呃者俱難治也

大抵發呃不止將乳香紙捲燒煙薰鼻中及灸中脘膻中

期門三鬲即効

○欬逆丸

花椒微炒出汗去目為末醋糊丸如梧桐子大每服十

五丸醋湯下

傷寒發熱而呃逆者

用黃荊子不拘多少炒水煎服立止

欬法 治欬逆服藥無効者

硫黃 乳香 各等分為末以酒煎急令患人喫之

○又方 用雄黃二錢酒一盞煎七分急令患人喫之

灸欬逆法

乳根二穴直乳一寸六分婦人在乳房下起肉處陷中

灸七壯効如神

○又方 灸氣海三五壯亦効氣海在臍下一寸半

噯氣

噯氣 膈雜審右寸關緊滑可治弦急則難兩寸弦滑

飲胃間脉橫在寸有積上攔

噯氣者而噯胃膈之氣上升也

噯氣有胃中有火有痰者宜

○二陳湯方見痰飲

依本方加炒山桅砂仁白豆蔻木香益智仁枳實黃連炒厚朴薑炒香附米

○星半湯 治症同前

南星 半夏 軟石膏 香附 炒梔子

右剉生薑三片水煎服或作丸亦可蓋胃中有鬱火膈上有稠痰故也

噯氣有胃寒者宜

○理中湯 方見中寒

依本方加木香茴香益智陳皮厚朴香附去人參茯苓

○破鬱丹 治婦人噯氣胃緊連十餘聲不盡噯出氣心

頭略寬不噯即緊

香附米 醋煮 梔子仁 炒 黃連 姜汁炒 枳實 麥炒

檳榔 一兩 我朮 一兩 青皮 去穰 一兩 瓜蒌仁 一兩

蘇子 一兩

右共為末水丸如梧桐子大每服三十九食後滾水送下

吞酸

蚘吞酸蚘形多弦而滑或沈而遲胃有寒飲或數而洪膈有痰熱

吞酸與吐酸不同吞酸水刺心也吐酸者吐出酸水也俱是飲食入胃脾虛不能運化鬱積已久濕中生熱濕熱相蒸故作酸也用香砂平胃散加減治之譬如穀肉在

器濕熱則易為酸也若是吞酸吐酸饋雜心疼久而不
治成膈噎翻胃症也

吞酸者濕熱在胃口上為酸也

○清鬱二陳湯 治酸水刺心及吞酸饋雜

陳皮 半夏姜汁炒 茯苓各一錢 蒼木製入 小川芎八分

香附一錢 神麴炒五錢 枳實炒八分 黃連炒 梔子一錢

白芍七分 甘草三分

右到一劑生薑三片水煎服

○香砂平胃散 治吞酸吐酸方見傷食

依本方加炒黃連山梔吳茱萸去枳殼木香

有因心痛服熱藥過多後患吞酸病本方加炒黃連有

因熱藥過多湧出酸苦黑水如爛木耳汁者心痛既愈

乃頻作酸塊痞自胃禁上咽喉甚惡炒黃連煎濃汁當

服一二匙自安

○平肝順氣保中丸 治鬱火傷脾中氣不運胃中伏火

鬱積生痰致令嘔吐吞酸饋雜心腹悶常服順氣和中

開胃健脾進食化痰消痞

香附米童便浸三日炒三兩 小川芎二兩 陳皮去白二兩

白朮四兩炒 枳實二兩炒 黃連二兩姜炒 吳茱萸湯泡一兩

神麴炒一兩 麥芽炒七錢 木香三錢 梔子姜汁炒一兩

萊菔子炒二兩 半夏姜汁炒一兩半 白茯苓去皮一兩 砂仁炒四錢

乾生薑一兩 竹茹一兩 甘草炙四錢

一方加山查去核

青皮六錢清油炒

去吳茱萸竹茹

右為細末竹瀝打神麴糊為丸如梧桐子大每服八九十九白湯送下一日進二次吐酸者吐出酸水肝木之味也

○蒼連湯

蒼木米泔製黃連姜汁炒陳皮半夏姜汁茯苓去皮

神麴炒各一錢吳茱萸炒砂仁各五分甘草三分

右剉一劑生薑三片水煎溫服

○治吐清水

蒼木炒壁土炒白朮炒陳皮炒白茯苓去皮滑石炒

右剉水煎服

○餽雜

餽雜者俗謂之心餽也。有胃中痰因火動而餽者用二陳湯加減有心血少而餽者用當歸補血湯加減有因食鬱而餽者用香砂平胃散治之。餽雜有痰因火動者多也。

○化痰清火湯

南星姜汁炒半夏姜汁炒陳皮炒黃連炒黃芩炒

梔子炒知母炒石膏炒蒼木米泔浸白朮去蘆

白芍各等分甘草錢半右剉一劑生薑三片水煎服

○二陳湯 治痰火而餽方見痰症

依本方加炒山桅黃連竹茹人參當歸白朮酸棗仁辰砂烏梅大棗生薑一片水煎竹瀝調辰砂末同服。心血虛而饋雜者宜養血以清火也。

○當歸補血湯 治心中血少而饋兼治驚悸怔忡。

當歸 芍藥 生地黃 熟地黃 各三

人參 五分 白朮 去蘆 茯苓 去皮 麥門冬 去心

山桅仁 炒 陳皮 各八分 甘草 三分

辰砂 研末 隨服 烏梅 一箇 去核 炒米 百粒

右剉一劑棗二枚水煎溫服。

食鬱而作饋雜者宜消食以開鬱也。

○香砂平胃散 治食鬱而饋方見傷食。

依本方加炒黃連山桅川芎白芍辰砂去枳殼藿香。

○交泰丸 治胃中痞悶饋雜大便稀則胃中頗快大便

堅則胃中痞悶難當不思飲食。

黃連 二兩 姜汁 枳實 一兩 白朮 去蘆土

吳茱萸 湯泡 微炒 歸尾 酒洗 一錢 大黃 用當歸紅花吳茱

以酒浸大黃二兩晝夜切碎晒乾仍

右為細末薑汁打神麴糊為丸如菉豆大每服七八十

丸不拘時白滾水送下。

○消食清鬱湯 治饋雜悶亂惡心發熱頭痛。

陳皮 半夏 姜汁 白茯苓 去皮 神麴 炒 山楂 去核

香附米 川芎 麥芽 炒 枳殼 去蘆 炒 梔子 炒

黃連

姜汁

蒼朮

米泔

藿香

甘草

右剉劑生薑三片水煎服

諸氣

下手爪沈便知是氣沈極則伏瀆弱難治其或沈滑氣兼痰飲

人身之氣，身之主也。要在周流順行而無病矣。逆則諸病生焉。男子宜養其氣以全其神，婦女宜平氣以調其經。若內傷七情者，喜怒憂思悲恐驚是也。喜則氣散，怒則氣逆，憂則氣陷，思則氣結，悲則氣消，恐則氣怯，驚則氣耗也。外感六淫者，風寒暑濕燥火也。風傷氣者為疼，痛寒傷氣者為戰慄，暑傷氣者為熱悶，濕傷氣者為腫。

二和散 卷
蘇枳 沉各兩
甘陳 木
枳 各七錢半
芍 二兩 大腹 二兩

滿燥傷氣者為閉結，有虛氣有實氣。虛者正氣虛，用四君子湯實者邪氣實，用分心氣飲。丹溪有云：氣實不宜補，氣虛宜補之。雖云氣無補法，若痞滿壅塞實脹，似難於補。若正氣虛而不補，則氣何由而行？故經云：壯者氣行而愈怯者，著而成病。此氣之確論也。

一切七情之氣為病者，宜順氣也。
○分心氣飲 治男子婦人諸氣不和，多因憂愁思慮忿怒傷神，或臨食憂戚，或事不遂意，使抑鬱之氣留滯不散，停於胃膈之間，不能流暢，致心膈痞悶，脇肋虛脹，噎塞不通，吞酸噯氣，嘔噦惡心，頭目昏眩，四肢倦怠，面色痿黃，口苦舌乾，飲食減少，日漸羸瘦，或大腸虛閉，或因

病之後胃中虛痞不思飲食並皆治之

木通 官桂 茯苓 半夏姜製各三錢半

桑白皮 大腹皮水洗 青皮去穢 陳皮各五錢

紫蘇二兩 羌活五錢 甘草二錢半 赤芍三錢半

右剉劑生薑三片棗一枚燈心一團水煎溫服

右方加枳殼檳榔香附治氣百病最能升降陰陽調順

三焦屢用屢驗其功難以盡述又隨症加減法於後

一方治憂思鬱悶怒氣痞滿去芍藥羌活加枳殼桔梗

木通檳榔香附藿香我木○水氣面自浮腫加猪苓澤

瀉車前木瓜葶藶麥門冬○氣塊加我木性急加柴胡

○多怒加黃連○食少加砂仁神麴 ○咳嗽加桔梗半

香

芩

蠲蔥散治男

婦脾胃虛冷

氣滯不行攻

刺心腹痛勝

小腸腎氣疼

痛及婦人

刺痛並皆治

索桂 磁石

蒼甘 三錢

砂枳 破各

稜莪 各

香 各七分

葱白 一莖

夏○胃膈緊加枳實香附 ○三焦不和加烏藥 ○氣閉

加蘿蔔子枳殼○氣滯腰疼加木瓜枳殼 ○上焦熱甚

加黃芩○下焦熱甚加山桅 翻胃加沈香磨服

上下分消導氣湯 功勝分心氣飲常患氣惱之人可

用此作丸常服甚妙

黃連姜湯炒 半夏水泡姜汁浸炒 瓜蒌去殼各一兩 枳殼雙炒

桔梗各二兩 桑白皮蜜炙 川芎 茯苓去皮

厚朴姜汁炒 青皮去穢 香附童便浸炒

澤瀉 木通 檳榔 麥芽炒各一兩

右剉作劑生薑一片水煎服或作丸以神麴糊為丸每

服七八十九空心白湯送下淡薑湯亦可名分消丸

一切氣滯食積腹脹痛者宜消導也

○利氣丸 治一切滯氣心腹脹悶疼痛脇肋脹滿難消

嘔吐酸水痰涎頭目眩暈并食積酒毒及米穀不化或

下痢膿血大小便結滯不快風壅積熱口苦咽乾煩燥

涕唾稠粘此藥最能流濕潤燥推陳致新滋陰抑陽散

鬱破結活血通經治氣分之聖藥也

大黃生四兩 黑牽牛頭末四兩 香附米炒四兩 木香炒

檳榔 枳殼炒 青皮去穢 陳皮

莪木煨 黃連各一兩 黃柏二兩

右為細末水丸如梧桐子大每服五十九或一百丸臨

卧時淡薑湯送下以利為度如不利再加丸數一方加

黃芩當歸各一兩亦妙

○神仙一塊氣 治諸氣食積及噎塞痞滿胃脇刺痛癥

瘕疝氣竝皆治之

青皮 陳皮 三稜煨 莪木

香附童便炒各一兩 神麴炒 麥芽炒 蘿蔔子炒

白丑頭末 檳榔 鬱金 黃連各五錢

枳實三錢 皂角 百草霜各二錢半

右為末麩糊丸菉豆大每服三十九視疾之上下為食

之先後熱酒薑湯任下

一切氣虛為病者宜補氣也

○四君子湯 治氣虛症

人參 去蘆 白朮 去蘆 砂仁 茯苓 去皮 陳皮

厚朴 姜汁 當歸 甘草 各等分

右剉作劑生薑一片棗二枚水煎不拘時服○氣虛甚加黃芪

調理氣鬱之病者此藥雖平易而有殊効也

○交感丹 治一切諸氣公私拂情名利失志抑鬱煩惱

七情所傷不思飲食面黃形羸胃膈諸症極有神効

香附米 一斤長流水浸三日 白茯神 去皮木為

右二味攪勻煉蜜為丸彈子大每清晨細嚼一九白滾

湯下陳皮湯亦可抑氣湯下尤妙

補遺秘方

○一粒金丹

鴉片 二錢半 阿魏 一錢 木香 五分 沈香 五分

牛黃 二分

右將沈香木香牛黃為末以鴉片放碗內滴水溶化阿魏溶化和蜜為丸如菉豆大金箔為衣每一粒熱氣痛

管藩相夫人患因氣鬱生火每至夜半不睡口乾煩渴吐

粘痰必欲茶水漱舌上赤黑皮厚胃痞雜飲食少

思予胗兩寸脉洪數兩尺脉空虛右氣口盛此上盛下

虛血虛氣鬱有火也以四物湯加生地黄黃連麥門冬

知母貝母天花粉玄參梔子桔梗枳實青皮甘草數劑
奏効又以六味地黄丸加生地黄麥門冬知母玄參天
花粉貝母五味子黃連一料全安
周賓崇親家患因氣惱得咽喉壅塞如有所得曾膈痞悶
時吐痰唾耳若蟬鳴頭目不清予診六脉沈數丹溪云
下手脉沈便知是氣以清火豁痰丸服之而安

青筋

夫青筋之症原氣逆而血不行俾惡血上攻於心也多由
一切怒氣相冲或憂鬱氣結不散或惱怒復傷生冷或
房勞後受寒濕以致精神恍惚心慌氣喘噎塞上壅嘔
噦惡心頭自昏眩曾膈痞滿心腹刺痛脇肋腰背痛頭

痛腦疼口苦舌乾面青唇黑四肢沈困百節酸痛或增
寒壯熱遍身麻痺不仁手足厥冷顛掉默默不語不思
飲食等症皆惡血攻心而致之也自古以來無人論此
但有患此疾者無方可治惟以砭針於兩手曲池青筋
上刺之出血不勝其數而疾有即愈者有不愈者而
變為大患者常慣病此者或有一月一次或兩三次者
屢患屢刺莫之能愈愚惟慮人之生命以氣血為主故
丹溪曰氣血和一疾不生虧則百病生焉况此病先傷
於氣而後復損其血不至於夭枉者蓋亦鮮矣雖然未
有退血之法又不得不刺不刺則惡血攻心須臾不救
予製一方屢獲効驗名白虎丸白虎者西方肺金之謂

也青筋者東方肝木之謂也。以白虎而治青筋，是金能
尅木故耳。何病之不愈哉？此方之妙，不惟代刺青筋之
苦愈青筋之病，而亦免後日之患其惠也。不亦大乎？此
方兼治男子久患痢疾，便血婦人崩漏帶下，并一切打
撲內損血不能散，心腹痛欲死者，服之其効不啻桴鼓
之影響也。

按此青筋之症，北人多患之，南人有此即沙症也。

○白虎丸

白虎仙丹古石灰谷神子製，救火柏中為末，水飛過
手上成丸。日曬來引宜燒酒一二盞，每服須吞五十枚，
保全男婦青筋症，廣積陰功遍九域。

千年石灰 不拘多少，除去雜色泥土，為末水飛過。

右曬乾量可丸如梧桐子大，每服五十九，看輕重加減。
燒酒送下。此藥能順氣散血，化痰消滯，治青筋初覺頭
疼惡心，或腹疼或腰痛，或遍身作痛，不思飲食，即進一
服。當時血散若過三五日，青筋已老者，多服取効。又治
心腹痛及婦人崩漏帶下，或因氣惱致病，或久患赤白
痢疾，或打撲內傷血不能散，服之大効。

○斷砂散 治青筋

甘草

乾薑

川烏炮

枯礬

炒鹽各等分

右為末，每服二錢，白水送下。

○灸斷青筋法

於打青筋出血眼上用新黑蠶蟄此須塗破眼上艾灸
三壯永不發

○治男婦慣打青筋 王春元傳

五靈脂 蒲黃 各一錢半 為末黃酒調下永不復

痞滿

痞滿滑大痰火作孽弦伏中虛微瀝衰劣
夫痞滿者非痞塊之痞也乃胃腹飽悶而不舒暢也有氣
虛中滿有血虛中滿有食積中滿有脾泄中滿有痰膈
中滿皆是七情內傷六淫外侵或醉飽饑餓失節房勞
過度則脾土虛而受傷轉輸之官失職胃雖受穀不能
運化故陽自升而陰自降而成天地不交之否不通泰

也蓋陰伏陽蓄治用香砂養胃湯加減枳殼丸調養脾
胃使心肺之陽下降肝腎之陰上升而成天地交泰是
無病也

痞者心下痞滿而不能食也 仲景云滿而不痛為痞滿而痛為痞結

○養胃湯 治胃腹痞滿

- 香附 砂仁 木香 枳實 白朮
- 茯苓 半夏 陳皮 白豆蔻 藿香
- 厚朴 甘草

右到一劑生薑三片棗一枚水煎食後服。瘦人心下
痞悶加炒黃連去半夏。血虛中滿加當歸白芍去半
夏。食積中滿加炒麩山查麥芽去白朮半夏。肥人

香附米童便炒 枳殼姜炒 梔子一錢 黃連姜汁七分

神麴炒七分 厚朴姜炒七分 前胡八分 蘇子研碎七分

生甘草四分

右剉丁劑生薑五片水煎熱服

鼓脹

鼓脹滿飢弦脾制於肝洪數熱脹遲弱陰寒浮為虛脹緊則中實浮大者生虛小危急

夫脹者由脾胃之氣虛弱不能運化精微而致水穀聚而不散故成脹也然飲食失節不能調養則清氣下降濁氣填滿胃腹濕熱相蒸遂成脹滿經曰鼓脹是也中空無物有似於鼓小使短瀆不利其病膠固難以治療用

分消湯加減治之健脾順水寬中為主也不可大用猛烈之藥反傷脾胃病再復來不可治也若臍凸肉硬肚大青筋足背手掌俱平男從腳下腫上女從頭上腫下竝皆不治

腹脹者肚腹脹起中空似鼓是也

○分消湯 治中滿成鼓脹兼治脾虛發腫滿飽悶

- 蒼木米泔浸炒 白朮去蘆 陳皮 厚朴姜汁炒
- 枳實姜炒 砂仁七分 木香三分 香附
- 猪苓 澤瀉 大腹皮各八分 茯苓一錢

右剉丁劑生薑一片燈草一團水煎服○氣急加沈香

○腫脹加蘿蔔子○脇痛面黑是氣鼓加青皮去白朮

○腸滿小腸脹痛身上有血絲縷是血鼓加當歸芍藥
 紅花牡丹皮去白木茯苓○噎氣作酸飽悶腹脹是食
 鼓加山查神麴麥芽蘿蔔子去白木茯苓○惡寒手足
 厥冷瀉去清水是水脹加官桂○骨腹脹滿有塊如鼓
 者是痞散成鼓加山查神麴半夏青皮歸尾玄胡鼈甲
 去白木茯苓猪苓澤瀉

腹脹脾胃氣血俱虛者宜半補而半消也

○行濕補氣養血湯 治氣血虛弱單腹鼓脹浮腫

- 人參 白朮 去薑 茯苓 當歸
- 川芎 白芍 一錢 蘇梗 陳皮 泄瀉
- 厚朴 姜炒 大腹皮 煎氣 蘿蔔子 炒 海金沙

木通 利水 各 木香 通氣 甘草 生各 三分

右剉一劑生薑三片棗丁枚水煎服○氣虛倍入參白
 木茯苓○血虛倍當歸川芎白芍○小水短少再加猪
 苓澤瀉滑石○服後腫脹俱退惟面足不消此陽明經
 氣虛倍用白木茯苓

○和榮順氣湯 治脾弱血虛心腹脹悶兩足虛腫

- 當歸 酒洗 一錢 川芎 六分 白芍 酒浸 一錢 茯苓
- 烏藥 蒼朮 米泔 製 陳皮 去白 枳實 炒 神麴 炒
- 香附 醋炒 木瓜 牛膝 酒洗 獨活 酒洗 澤瀉 各一錢
- 薏苡仁 炒 一錢 木通 一錢 甘草 三分

右剉一劑生薑煎服

腹脹元氣脾胃兩虛者宜補多而消少也

○調中健脾丸 治單腹脹及脾虛腫滿膈中閉塞及胃

口作痛並皆治神效

黃芪蜜炙 人參去蘆各 白朮六兩 茯苓二兩

陳皮三兩 蘇子二兩 蘿蔔子一兩 山查肉三兩

草豆蔻酒拌炒 澤瀉三兩 薏苡仁炒

沈香六錢 五加皮三兩 瓜蒌一兩 大瓜蒌二箇

錢多生糞穢二錢 米粒大俱內 炭火內煨 紅為度取出擇

去泥土其黑色并入藥

右剉為細末煎荷葉大腹皮湯打黃米糊為丸如梧桐子大每服百丸日進三次白湯下此藥不傷元氣大有

補益勿輕視之

熱脹腹有積聚者宜分消也

○黃茂潰堅湯 治中滿腹脹有積聚如石堅硬令人坐

卧不寧二便澁滯上氣喘促或通身虛腫

厚朴姜製 黃連 益知仁 草豆蔻

當歸各五分 半夏七分 廣茂 升麻 紅花

吳茱萸各二分 生甘草 柴胡 澤瀉 神麴炒

青皮 陳皮各三分 口乾加乾葛四分

右剉一劑生薑煎食遠服忌酒醋濕麵

○中滿分消丸 治中滿鼓脹氣脹水脹大熱脹不治寒

脹

人參 白朮 薑黃 猪苓去黑皮

炙甘草各一錢 白茯苓 砂仁 乾生薑各二錢

澤瀉 陳皮各三錢 知母炒四錢 枳實炒

半夏泡 黃連炒各五錢 黃芩炒一兩 厚朴姜炒一兩

石為細末水浸蒸餅為丸梧桐子大每服百丸熱白湯

下食遠服

寒脹不喜飲食者宜溫散也

○香朴湯 治老人中寒下虛心腹膨脹不喜飲食

浮而弱此名寒脹

厚朴姜炒一兩 大附子炮去皮臍七錢半 木香三錢

右剉一劑薑七片棗一枚煎服

血氣凝結積聚而成腹脹者宜專攻也

○四炒枳殼丸 治氣血凝滯腹內鼓脹積聚此藥實中

快膈快氣消導飲食

枳殼四兩米泔浸去穢切片分四處炒之 一分炒蒼朮一兩同煮乾

一分羅蔔子一兩水同煮 一分小茴香一兩水同煮

一分乾漆一兩水同煮 香附二兩醋炒 檳榔一兩

玄胡索一兩三稜二兩同煮 我朮二兩三稜

用童便一鐘浸一宿次日用完巴豆仁去

殼三十粒同水煮乾炒黃色去豆不用

右為細末用蒼朮苗香羅蔔子乾漆煮汁好醋一碗同

麵糊為丸如梧桐子大每服七十九清米湯下

腹脹因於氣者宜順氣也

○分心氣飲 方見諸氣

依本方如水氣浮腫因於氣者加猪苓澤瀉車前葶藶
木瓜麥門冬

○金陵酒丸 治鼓脹

真沉香 一兩 牙皂 一兩 廣木香 二兩 檳榔 一兩

右為末用南京燒酒為丸每服三錢重者四錢五更燒
酒下水腫水自小便而出氣鼓放屁水鼓加苦蕒藤五
錢煎酒送下再服

○金蟾散 治氣鼓如神

大蝦蟆一箇以砂仁推入其口內使吞入腹以滿為度
用泥罐封固炭火煨令紅透煙淨取出候冷去泥研末

為一服或酒或陳皮湯送下候撒屁多乃見其效

○寬中養胃湯 治胃膈脹滿飲食少用

蒼朮 兩 香附 七分 枳殼 五分 厚朴 五分 藿香 五分
山查 三分 陳皮 一錢 砂仁 三分 神麴 四分 檳榔 三分
麥芽 四分 青皮 三分 枳實 四分 半夏 五分 茯苓 五分
甘草 三分

右剉一劑生薑三片棗一枚水煎食遠服

春元李河山患腹左一塊數年弗愈後食柿餅過多得腹
脹滿閉予胗六脉洪數氣口緊盛以藿香正氣散加山
查神麴二劑而愈逾月又因飲食失節腹脹如初而仍
以前正氣散數劑弗効又易行濕補氣養血湯二十餘

劑始安余囑曰病雖愈而體未復原務要謹守勿犯禁
 戒逾數月過示曰凡有病皆天與也不在服藥不在謹
 守若當時顏子亞聖豈不能保養何短命死矣我今保
 養半年未見何如豈在保養服藥者哉予不能對渠遂
 放肆無忌未經旬日忽患痢赤白裏急後重痛不可忍
 晝夜無度渠自製大黃一劑數下弗効復求予診六脉
 洪數先以調中理氣湯二劑又以補中益氣湯加白芍
 黃連微効渠欲速愈遂易他醫其醫不審病原數患內
 傷腹脹之疾輒用下藥不愈又易一醫又下之前後約
 三十餘度將元氣愈憊而下脫肛門痛如刀割腹脹如
 鼓然醫不知元氣下陷陷深則痛愈深當大補元氣升

提為主非百劑不可今以素損元氣者欲速効豈可得
 也嗟夫醫者不補而反瀉病者不慎而欲速安得不死
 也信兩俱耳

補遺方

○化龍丹 治單腹脹方

用大鯉魚一箇巴豆四十箇將魚刷了將魚脊割開兩
 刀將巴豆下在兩力路合住用紙包裹慢火燒去豆食
 魚米湯下神効

水腫

水腫之病有陰有陽陰脉沈遲其色青白不渴而瀉小
 便清瀦或沈數色赤而黃燥糞赤溺兼渴為陽沈細

必死浮大無妨

水腫者通身浮腫皮薄而光手按成窩舉手即滿者是水腫也初起眼胞上下微腫如裹水上則喘咳氣急下則足膝浮腫大小便短澹不利或大便溏洩皆因脾虛不能運化水穀停於三焦注於肌肉滲於皮膚而發腫也治用健脾利水以為上策又則肌肉潰爛陰囊足脛水出唇黑缺盆平臍口肉硬足背手掌俱平者是脾氣壅也

水腫氣急而小便澀 血腫氣滿而四肢寒

朝寬暮急是血虛暮寬朝急是氣虛朝暮急氣血俱虛大凡水腫者宜健脾去濕利水也

實脾飲 丹心

治風水癰腫 先用此實脾

厚朴水

白朮各

兩

姜末

○實脾飲 治水腫

蒼朮米泔 白朮 去蘆 厚朴 姜炒 茯苓 連皮 猪苓

澤瀉 香附 砂仁 枳殼 炒 陳皮

大腹皮 木香各等分

右剉作劑燈心一團水煎磨木香調服○氣急加蘇子

葶藶桑白皮去白朮○發熱加炒山梔黃連去香附○

瀉加炒芍藥去枳殼○小水不通加木通滑石去白朮

○飲食停滯加山查神麴去白朮○惡寒手足厥冷

沈細加官桂少許○腰上腫加藿香腰以下加牛膝黃

栝去香附○胃腹腫脹飽悶加蘿蔔子去白朮

○加減胃苓湯 治水腫

蒼木米泔製陳皮去白一錢

厚朴姜製八分

猪苓去皮

赤茯苓去皮澤瀉

白木去蘆各一錢

大腹皮六分

神麴炒八分甘草炙三分

山查去核七分

香附姜炒六分

木瓜一錢

檳榔八分

砂仁七分

右剉一劑水二鍾生薑三片燈心一團煎至一鍾食遠

溫服渣再煎服

水腫腹有積塊者宜半下而半補也

○木香流氣飲 調順榮衛流通血脉快利三焦安和五

臟治諸氣痞滯不通胃膈膨悶口苦咽乾嘔吐食少有

背腹脇走注則痛喘急痰嗽面目虛浮四肢腫脹大便

閉結小便赤澁又治憂思太過怔忡鬱積脚氣風濕結

聚腫痛脹滿喘急水腫等病並皆治之

陳皮二錢

青皮去穢

香附

紫蘇各一分

木瓜

白木去蘆

麥門冬去心

大黃各一錢半

白芷

枳殼炒各三分

草果

人參去蘆錢半

官桂

蓬朮

大腹皮

丁皮

檳榔

木香

沈香各四分

木通六分

甘草

半夏姜汁炒各

一錢二分

厚朴一錢

右剉作劑生薑三片棗二枚水煎不拘時熱服

○消腫調脾順氣湯 治水腫消脹滿順氣和脾除濕利

水

蒼木米泔陳皮

厚朴去皮草果

砂仁

猪苓 木香 檳榔男雌 香附 枳殼炒

桔梗 澤瀉 三稜 莪朮 官桂

大茴香 木通 人參 木瓜 桑白皮

牽牛女用黑 男用白 大腹皮 大黃 甘草

右判劑生薑煎服

水腫因氣惱者宜順氣也

○分心氣飲方見氣症

依本方加猪苓澤瀉車前葶藶木瓜麥門冬

濕熱作腫脹滑泄者宜清熱除濕利水也

○葶藶木香散 治濕熱內外甚水腫腹脹小便赤澀大便滑泄此藥下水濕消腫脹止瀉利小便之聖藥也

猪苓二錢 澤瀉五錢 白朮二錢 茯苓二錢 官桂二錢

葶藶二錢 木通五錢 木香五分 滑石三兩 甘草五錢

右為細末每服三錢白湯調下食前服若小便不得通

利而反泄者此乃濕熱痞悶極深而攻之不開是反為

注泄乃正氣已衰多難救也

水腫元氣壯盛者宜消導也

○三消丸 治腫脹

甘遂 木香 巴豆各一錢 去殼

右共研為末寒粟米飯為丸如梧桐子大量人虛實用

之實者每服二分虛者每服分半先服五苓散加藿麥

車前木通滑石煎服後服此三消丸消上用陳皮湯下

消下用葱白湯下隔一日進下服三服止若動三五次
以冷粥補之消完後用白朮三兩 陳皮三兩
炙甘草三兩 厚朴二兩 皂礬三兩 用麩炒盡煙或用醋
炒皂礬三五次同前藥研為末醋糊丸梧桐子大每服
五十丸米湯送下每日進三服忌惱怒戒煎炒及無鱗
魚諸般發物連服四十九日全安

積聚

五積屬陰沈伏附骨肝弦心芤腎沈急滑脾實且長肺
浮喘卒六聚結沈痼則浮結又有癥瘕其脈多弦弦急
瘕疾弦細癥堅沈重中散食成癖瘕左轉沈重氣徵胃
前若是肉瘕右轉橫旋積聚瘕瘕緊則痛纏虛弱者死

實強可痊

痞塊者一名癥瘕不能移動者是癥塊能移動或左或右
若是瘕塊五臟五積六腑六聚積在本位聚無定處氣
不能作塊成聚塊乃是有形之物痰與食積死血而成
此理曉然且中為痰飲左為血塊右為食積俱用潰堅
湯丸加減消痰活血順氣健脾為主也

積者有常所有形之血也 聚者無定位無形之氣也
積塊者痰與食積死血也

○潰堅湯 治五積六聚諸般瘕瘕瘕瘕瘕瘕血塊之總司也

- 當歸 白朮 去蘆 半夏 姜炒 陳皮 枳實 麥炒
- 山查肉 香附 厚朴 姜炒 砂仁 木香 各等

右剉一劑薑一片水煎磨木香調服○左脇有塊加川芎○右脇有塊加青皮○肉食成塊加薑炒黃連○粉麩食積加神麩○血塊加桃仁紅花官桂去半夏山查○痰塊加海石瓜蒌枳實去山查○飽脹加蘿蔔子檳榔去白朮○壯健人加蓬朮瘦人加人參少許○潰堅丸 依本方加海石壘子鼈甲各為細末將阿魏用醋煮化和前藥末薑汁糊為丸如梧桐子大每服五十丸不拘時黃酒送下清米湯亦可

○真人化鐵湯 治五積六聚痰癖癥瘕不論新久上下左右
 三稜 莪朮 青皮 陳皮 神麩

山查肉 香附炒 枳實麩炒 厚朴姜制 黃連姜汁炒
 當歸 川芎 桃仁去皮 紅花 木香各三分
 檳榔八分 甘草二分

右剉一劑生薑一片棗一枚水煎服
 積塊為熱者宜清化也

○柴平湯
 柴胡 黃芩 半夏姜汁炒 蒼朮米泔浸 厚朴姜制
 陳皮 青皮去穢 枳殼麩炒 神麩炒 山查肉
 三稜 莪朮各等分 甘草裁半

右剉一劑薑一片棗一枚水煎服

○化痞丹 消積塊專攻之劑

大黃四兩 醋洗 一七 木別子去油 一兩 穿山甲土炒 二兩
 香附米童便浸 炒一兩 桃仁去皮 一兩 紅花三錢 生
 青黛 五分

右為細末將大黃醋煮成糊為丸如豆大每服五十九
 或六十九茅根葛根煎湯送下忌花椒胡椒煎炙糯米
 等物

○化鐵金丹 化一切積塊如神

黃芪 人參 白朮 當歸 白芍
 陳皮 青皮去穢 香附 烏藥 檳榔
 枳殼 枳實 木香 沉香 蒼朮米泔製
 山查肉 神麩炒 草果 麥芽炒 草豆蔻

加半去後石
 指迷心氣湯

蘿蔔子 蘇子 白芥子 三稜 莪朮
 厚朴姜汁炒 小茴香 白礬 牙皂 黃連
 赤芍 柴胡 龍膽草 甘草以上各五錢
 大黃生用 六錢 牽牛用頭末 八錢 乳香 沒藥
 阿魏 礞砂用礞石 過各五分 皮硝 一兩
 右為細末釀醋打稀糊為丸如梧桐子大每服五十九
 空心米湯送下午間白水下夜白水下日進三服
 積塊屬寒者宜溫散也

○大七氣湯 治五積六聚狀如癥瘕隨氣上下發作有
 時心腹疼痛上氣窒塞小腹脹滿大小便不利

三稜 莪朮 青皮去穢 陳皮 桔梗

藿香 香附 益智仁 肉桂 甘草

一方加大黃檳榔治諸般痞積面黃肌瘦四肢無力皆緣
內有蟲積或好食生米壁泥茶炭鹹辣等物用水煎露
一宿空心溫服不得些少飲食則蟲積不行矣

右剉生薑三片棗一枚水煎服○心脾痛加烏藥枳殼

○脾滯合四聖散

○勝紅丸 治脾積氣臃滿悶氣促不安嘔吐酸水丈夫

酒積婦人血積氣滯小兒食積並皆治之

陳皮 莪木二味同醋煮 青皮去穢 三稜醋煮 乾薑炮

良薑各一兩 香附炒去皮

右為末醋糊丸梧子大每服五十九薑湯下食前服

男子積塊痛者宜化氣也

○千金化氣湯 治男子腹中氣塊疼痛

青皮去穢 陳皮 枳殼去穢 香附 砂仁

白豆蔻各一兩 木香五錢 丁皮二錢 半夏姜制

草菓 乾薑各七錢 檳榔一兩 川芎 白芷

三稜醋炒 莪木醋炒 玄胡索各一兩 小茴香五錢

厚朴姜汁炒 大腹皮 白芍各一兩 甘草三錢

右剉生薑三片水煎空心服

女子積塊痛者宜導氣也

○千金導氣湯 治婦人滿腹氣塊遊走不定漉漉有聲

攻作疼痛久年不愈者神效

丁香 木香 砂仁 白豆蔻 香附

烏藥 枳實煨 當歸 川芎 白芷

白芍 炒 白朮 去蘆 青皮 去穰 陳皮 桔梗

肉桂 厚朴 姜炒 乾薑 炒 三稜 醋炒 莪朮 醋炒

角茴 小茴 牛膝 去蘆 紅花 杜仲 姜炒

乳香 沒藥 甘草 乾漆 醋炒 淨煙

右判半水半酒薑葱煎熱服○飽悶不食加山查神麴

麥芽有熱加柴胡黃芩

積塊兼虛者宜半消半補也

○消積保中丸 順氣化痰理脾消滯散痞結除積塊進

飲食清鬱熱

陳皮 二兩 半夏 一兩 泡七次 白茯苓 一兩 半 去皮

白朮 三兩 香附 一兩 醋炒 青皮 四錢 清油炒

木香 三錢 不 檳榔 七錢 莪朮 八錢 醋浸炒

三稜 八錢 醋 萊菔子 一兩 微炒 砂仁 四錢

神麴 炒一兩 麥芽 炒六錢 白芥子 炒一兩

黃連 一兩 姜汁炒 眞阿魏 三錢 醋浸 山梔仁 一兩 姜汁炒

乾漆 五錢 炒淨煙 加人參 五錢 尤効

右爲細末薑汁酒打糊丸梧桐子大每服八十九食後

白湯送下 血積塊者宜專攻也

○神化丹 消癖積被血塊下鬼胎通經脈及諸痞積血

氣塊

礞石

乾漆炒

血竭各三錢 紅娘二十箇

白乳香一錢半 班猫二十箇

右為末 棗肉丸如豌豆大每服一丸至三五丸臨卧或

棗湯薑湯或紅花蘇木湯下

凡積塊內服藥而外貼者乃兼濟也

○五仙膏 治一切痞塊積氣癰疾肚大青筋氣喘上壅

或發熱咳嗽吐血衄血

大黃 肥皂 生薑半斤 生葱半斤 大蒜半斤

右共搗爛用水煎取出汁去渣再煎汁熬成膏黑色為

度攤絹帛上先用針刺透後貼膏藥

○神仙化痞膏 專治一切積聚痞塊一貼即消應驗如神

當歸 川芎 赤芍 黃連 黃芩

黃栢 梔子 以上各 紅花 肉桂

丁香 生地黄 草烏 色豆 各五錢 以上

大黃二兩 蘇木 川烏各一 穿山甲片蜈蚣六條

白花蛇一條或 挑枝 柳枝 棗枝各二

右剉細香油二片浸五七日桑柴慢火熬至焦黑色去

渣起白光為度放冷瀝淨澄清取一斤半再入鍋桑柴

火熬至油滾陸續下飛過黃丹炒黑色一兩燒過官粉

一兩水飛過炒褐色蜜陀僧一兩仍慢火熬至沸止再

下嫩松香四兩黃蜡半斤熬至滴水成珠用綿紙時時

攤小貼貼自己皮上試之老嫩得所方佳手離火待
微温下後細藥

松香 先以油少許入鍋溶
成汁入膏內方佳
乳香 一兩 若沒藥一兩
血竭 五錢 咀之如蠟與
之 作拖子味力真
天竺黃 三錢
輕粉 三錢
胡黃連 三錢
硃砂 半錢

阿魏 五錢 取一豆大火化滴
銅器上頓久變白者佳
麝香 二錢

右九味共為末陸續入膏內不往手攪勻以冷為度鏟
出以温水洗去浮膩埋在陰地二十一日去火毒狗皮
攤膏先以白酒煮朴硝洗患處良久方貼藥時時炭火
烤熱手摩慰之一貼可愈一人尤當戒厚味生冷物及
房慾怒氣又宜多服藥餌不可專恃貼藥也

一五積六聚癥瘕癰塊元氣虛弱肌體瘦怯飲食不進四
肢沈困用補中益氣湯加三稜莪朮青皮香附桔梗藿
香益智肉桂

五疸

①五疸實熱脉必洪數其或微瀦症屬虛弱

黃疸症者雖有五疸俱是脾胃水穀濕熱相蒸故發黃也
胃腹飽悶面目俱黃小便短赤如皂莢汁者就如膏麩
相似濕熱而生黃也用茵陳四苓散加減發熱口渴木
便實者用茵陳大黃湯下之黃自退也小便清白為愈
疸散成鼓者多矣

五疸者濕熱鬱蒸於脾也

茵陳散 治濕熱發黃

茵陳 梔子 赤苓 猪苓 澤瀉

蒼朮 枳實 黃連 厚朴 滑石各等分

右剉一劑燈草一團水煎服○身熱加柴胡○小水短赤加黃栢腎膈飽悶加蘿蔔子茯苓○飲酒人加瓜蒌仁乾葛砂仁去滑石此成酒疸者多

茵陳大黃湯 治黃疸大便結實

茵陳 大黃 枳實 山梔 厚朴

滑石各等分 甘草裁半

右剉一劑燈草一團水煎服

○棗子綠礬丸 治黃疸肝病

針砂 綠礬炒 蒼朮米泔製 厚朴姜炒 陳皮

神麴炒各一兩 甘草五錢

右為細末棗肉為丸或醋糊為丸如梧桐子大每服五十丸食後米湯送下切忌蕎麥羊肉母猪肉食之急死無醫

○四寶丹 治黃病喫生米茶葉黃泥黑炭

生用麥芽一斤炒使君子肉二兩 檳榔 南星各一兩 姜汁製

茶用茶葉一斤炒使君子肉二兩 檳榔 南星各一兩 姜汁製

黃用壁土一斤炒使君子肉二兩 檳榔 南星各一兩 姜汁製

黑用黑炭一斤炒使君子肉二兩 檳榔 南星各一兩 姜汁製

右為末用煉蜜為丸如梧桐子大每服五十九清早砂

糖水送下大効

○治黃病方

黑礬不拘多少日曬夜露二十一日為末棗肉為丸如菘豆大每服九九早晚午各進一服日進三服二十一日即止小兒服三九

○治黃腫病方

七月七日採冰花乾為末每服一錢黃酒下効

○治氣黃病方

以蛇蛻用棍上挑於燈上點火着滴成珠多年陳麻楷罔燒灰各等分為末黃酒調服

痼冷

凡陰症身靜而重語言無聲氣少難以喘息目睛不了了口鼻冷氣水漿不入大小便不禁面上惡寒有如刀刮先用葱熨法次服四逆湯方見中寒痼冷者寒之甚也

○加味理中湯

大附子麵包煨人參去皮白朮去蘆乾薑炒肉桂三十陳皮去皮各茯苓炙甘草炙

右剉一劑生薑一片棗二枚水煎熱服

○固陽湯 治陽症歸陰陰囊縮入手足厥冷腹痛脹冷汗出脉或又洪弦

黃芪

人參各二錢

白朮去蘆

茯苓各四錢

乾薑八錢 良薑三錢 腹痛倍用 白薑八錢 厚朴三錢 姜汁炒

大附子四錢 白

右剉劑水煎熱服

○治陰症

胡椒三十 黃丹一兩 乾薑二塊 三味為末醋調塗放

男左女右手心內合在小使上一時蓋被汗出即已

○治陰症腹痛

灸小指外側上紋尖艾柱如小豆大二壯男灸左女灸右

治陰症冷極熱藥救不回者手足冰冷腎囊縮入牙關

緊急死在須臾

用大艾炷灸臍中預將蒜搗汁擦臍上後放艾多灸之

其臍上下左右各開八分四分用小艾炷灸至五壯為度

如玉莖縮入於內速令人捉定急將蕪艾丸如菘豆大

在龜頭馬口灸二壯其莖即出仍服附子理中湯即効

○治陰症

老桑樹皮燒存性 牡蠣火煨 乾薑 胡椒各二錢

膽礬一錢 麝香少許

右為細末用陰陽唾調塗於兩手心內夾腿腋不時遍

身汗出即瘥

○治冷陰方

枯白礬百草霜各一錢共為細末煉蜜為丸每服一九


黃酒送下

○治陰症腹痛面青甚者

鴿子糞一大抄研末極熱酒一盞衝入攪勻少澄飲之
去渣頓愈

○三仙散 治陰症

大附子炮去皮 官桂 乾薑各等分
右共為細末每服三錢滾酒調服神效



凡班既出須得衄洪數有力身温足温者易治若脉沈小
足冷元氣虛弱者難治

發班紅赤為胃熱若紫不赤為熱甚紫黑為胃爛故赤班

半生半死黑班者九死一生大抵鮮紅起發稀朗者吉

紫黑者難治雜黑班爛者死也

凡班欲出未出之際且與升麻湯先透其毒衄虛加人參
食少而大便不實加白朮

班見已出不宜再發也班不可汗班爛不宜下如脉洪數
熱盛煩渴者人參化班湯若消班毒犀角玄參湯

凡發班疹先將紅紙點燈照看病人面部眉堂背四肢
有紅點起者乃發班也若大紅點發於皮膚之上謂之

班小紅靨行於皮膚不出起者謂之疹蓋疹輕而班重
也先將薑汁噴於班上已後照陰陽虛實寒熱而用藥

凡丹疹皆是惡毒熱血蘊蓄於命門遇君相二火合起即

發也如遇熱時以防風通聖散辛涼之劑解之寒月以
升麻葛根湯等辛溫之劑解之
凡丹疹先從四肢起而後入腹者死
發斑者熱毒蘊於胃中也

○升麻湯 治陽毒赤斑出狂言吐膿血

升麻二錢 犀角屑 麝干 人參

生甘草各一錢

右剉一劑水二盞煎至一盞去渣溫服

○人參化斑湯

人參一錢 石膏三錢 知母三錢 甘草五分 粳米一撮

右剉一劑水煎服斑盛加大青

昌根橋皮
昌橋杏知
杯月
冷月肌中斑爛
咳而心回者用
向毒升麻
升麻兩犀角
麝參升各
二錢半
發寒吐下後狂
言面赤陽毒
發斑者用之

消風散

前甘橋厚
養蟬參蚤
茨防芎
凡熱丹疹用之
調中湯

蒼一麥半陳
砂藿甘芍
桔半並散
葛各一夏芎
麻桂各五分
內傷外感熱而
成痲者用之

○犀角玄參湯

犀角一錢 升麻二錢 香附一錢 黃芩半錢 人參五分

玄參一錢 甘草三分

右剉一劑加大青水煎服

癰疹者紅點如蚤蟻之狀也

○防風通聖散 方見中風

○升麻葛根湯

升麻二錢 葛根二錢 芍藥二錢 甘草三分

右剉一劑水煎服

○犀角消毒飲

犀角 荆芥穗 防風 甘草

犀角一錢半鎊為細末不入湯煎

○右剉作一劑水二盞煎至一盞調犀角末服

發熱

○脉經曰脉大無力為陽虛脉數無力為陰虛無力為虛有

方曰實

夫發熱者謂怫怫然發於皮膚之間則成熟也與潮熱寒熱若同而異潮熱者有時而熱不失其時寒熱者寒已而熱相繼而發至於發熱則無時而發也

血虛有汗潮熱者

○人參養榮湯 治積勞虛損四肢倦怠肌肉消瘦而少顏色汲汲短氣飲食無味也

人參去蘆

當歸酒洗

陳皮

黃芪蜜炙

桂心

白朮去蘆

甘草一錢

白芍酒炒

熟地黄酒浸

茯苓去皮

五味子各七分 遠志去心炒

右剉一劑生薑三片棗二枚水二鍾煎至一鍾食遠服

氣虛有汗潮熱者

○補中益氣湯方見內傷

○烏鷄丸 治童男室女身發潮熱吐血痰出盜汗飲食

少進四肢無力

黃芪蜜炒

人參去蘆

白朮去蘆

當歸酒洗

白芍酒炒

生芩

陳皮

秦朮

柴胡

銀柴胡

前胡

黃芩

胡黃連 黃柏去粗皮 知母去毛 貝母去心

桑白皮 地骨皮 麥門冬去心 五味子各一

右剉細片用烏骨白鷄一雙耳有綠色腦有金色者佳
重一斤者以麻子喂七日縊死去毛并內腸雜納藥於
內用菘豆一斗五升浸潤鋪入小甑內三寸厚又將青
蒿四兩攪之放鷄在上仍以菘豆蓋之蒸爛熟將鷄折
碎同藥晒乾為末湯浸蒸餅為丸梧桐子大每服七十
丸空心清米湯下

血虛無汗潮熱者

○茯苓補心湯方見婦人虛勞門

氣虛無汗潮熱者

○人參清肌散 治男婦氣虛無汗潮熱

人參 白朮 茯苓 當歸 赤芍

柴胡 半夏 葛粉 甘草

右剉一劑薑棗煎服

女子血虛有汗潮熱者

○茯苓補心湯方見婦人虛勞

氣血兩虛無汗潮熱者

○逍遙散方見婦人虛勞門

男婦四肢發熱筋骨間如火烙手者鬱遏陽氣於脾胃之

中也

○升陽散火湯 治男婦四肢發熱肌表熱如火烙捫之

烙手此病多因血虛而得之或胃虛過食冷物鬱遏陽氣於脾土之中即火鬱則發之即火鬱湯

升麻 葛根 白芍 羌活

獨活 人參各五 柴胡八錢 防風一錢半

生甘草二錢 炙甘草三錢

右剉劑生薑煎服忌寒涼生冷之物月餘

傷寒發熱者是外之寒邪傷衛也其脈緊而有力

○九味羌活湯方見傷寒

傷暑發熱者是外之熱邪傷榮也其脈虛遲而無力

○清暑益氣湯方見中暑

內傷發熱者是陽氣自傷屬脾肺也其脈大而無力

○補中益氣湯方見內傷

陰虛發熱者是陰血自傷屬心腎也其脈數而無力

○滋陰降火湯方見虛勞

夜則靜晝則發熱者此熱在氣分也

○小柴胡湯加梔子黃連知母地骨皮

晝則靜夜則發熱者此熱在血分也

○四物湯加知母黃柏黃連梔子牡丹皮柴胡

晝夜俱發熱者此熱在氣血之分也

○四物湯合小柴胡湯加黃連梔子

子午潮熱者

○加減逍遙散加黃芩胡黃連麥門冬地骨皮秦艽木通

車前子燈心煎服

一切發熱增寒者邪在半表半裏也

○柴苓湯 卽小柴胡湯合五苓散

○當歸飲 治勞心生熱鼻少見血五心煩熱

當歸一分 芍藥一錢 川芎五分 生地黄一錢

牡丹皮一錢 黃連七分 麥門冬一錢 地骨皮七分

酒枯苓七分 炒梔子六分 柴胡六分 生甘草三分

右剉一劑水煎食遠熱服

一僕人五月間病熱口渴唇乾譫語診其脈細而遲用四君子加黃芪當歸芍藥熟附子進一服熱愈甚狂言狂走或曰附子差矣診其脈如舊仍增附子進一大服遂

汗出而熱退脈還四至矣

一婦人夏間病熱初用平調氣血兼清熱和解之濟服二

三劑不應熱愈甚舌上焦黑膈間有火嗽水不嚥診其

脈兩手皆虛微而右手微甚六七日內譫語撮空循衣

摸床惡症俱見後用四物湯加黃芪人參白朮陳皮麥

門知母熟附子服之一二時汗出而熱退次日復熱再

服仍退又次日復發知其虛極也遂連進十服皆加附


子而安

一男子發熱煩渴頭痛誤行發汗喘急腹痛自汗譫語用

十全大補加附子治之熱睡喚而不醒及覺諸症頓退

再劑而痊

萬病回春卷之三終



此方專治一切虛弱之症...

凡患此症者，宜早服之，其效如神。此方乃家傳秘授，不可輕視。凡有疑難雜症，服之立見奇效。此方之妙，不可言喻。凡有患此症者，宜早服之，其效如神。此方乃家傳秘授，不可輕視。凡有疑難雜症，服之立見奇效。此方之妙，不可言喻。

